



САМУРДИН

СЕС

«Магъарамдхурун район» МР-дин
общественно-политический газет.
Общественно-политическая газета
МР «Магъарамкентский район».

Газет 1951- йисалай акъатзава. № 17 (7837) киш, 8-апрель, 2017- йис. Къимет 6 манат.

МР-дин АДМИНИСТРАЦИЯДА

2016- ЙИСАН НЕТИЖАЯР КЪУНА



3 -АПРЕЛДИЗ Муниципальный райондин къил Фарид Агъмедова тухвай муниципальный райондин администрациядин совещаниедал 2014- йисуз «Магъарамдхурун район» муниципальный район социально-экономический рекъяй вилик тухунин не-тижайрин гъакъиндай планла-мишнавай месэла гъална. Со-вещаниедал килигзавай месэ-ладай доклад муниципальный райондин администрациядин экономикадин отделдин на-чальник Тимур Техмезова аву-на. Ада къейд авурвал, чкадин самоуправлениедин органрин вири къвалахар РД-дин Кыли тайнарай Республика вилик тухунин эвелимжи проектрихъ

галаз къадайвал тешкилна ва и рекъе тайин тир нетижаярни къазанмишна.

Гуьгъуьнлай муниципальный райондин къил Фарид Агъмедова администрациядин экономикадин отделдин къвалахдиз хъсан къиметни гана ва къвалахдин ериш явашар таву-низ эвер гана. Пландин месэла гъялдайла район социально-э-кономический рекъяй вилик туху-нин къвалахдин ериш явашар тавун патал са жерге теклифар гана. Къилди къачуртла, Магъ-арамдхурун райондин террито-риядал РД вилик тухунин рекъ-яй эвелимжи проектар уьмуьр-диз кечирмишунин рекъяй къвалах гуьжлу авун, муниципаль-ный райондин объектар РД-дин

республикадин программай-рик кутун таъминарун тек-лифна.

Ахпа совещаниедал ад-министрациядин къвалахриз талукъ маса месэлаярни гъална.

Къилди къачуртла, «Хуь-рун майишатдин отдел» МКУ-дин начальник Къ. Бука-рован, образованиедин Уп-равлениедин начальник У. Абейдуллаеван, «Культура-дин отдел» МКУК-дин дирек-тор Э. Селимован, «ЖКХ» МУП-дин директор С. Хиди-рован, физкультурадинни спортдин отделдин началь-ник М. Агъамирзоеван док-ладрихъ яб акална.

Р. МУРАДАЛИЕВ.



Мубаракрай

ГЪУЪРМЕТЛУ
«Самурдин сес» га-
зетдин редакция!

Чна, Тагъирхуь-
руьн къазмайрин
больницадин кол-
лективди, райондин
больницадин къилин
духтур Гъажибала
БЕГЛЕРОВАЗ «Йи-
сан виридалай
хъсан духтур»
твар гун мубарак-
зава.



Гъуьрметлу Гъажибала духтур, къуй квехъ мадни члехи,
цлийи агалкъунар, чандин сагъвал, риклин шадвал, ви сегье-
рар экуьбур, умудлубур хъурай!

Мубарак хъуй ваз члехи твар,
Ви зегъметдин къимет я.
Кылеллаз хъуй ракъинин зар,
Сагъвал чандин лезет я.

Дережаяр мадни къакъан-
Лукъманан хъиз вине я.

Зи лезги чил я къе гъейран,
Самур дере бине я.

Ширин меци хуьзвай гъуьрмет,
Валай авай рази яз.

Вафалувал хуьзва гъелбет,
Гиппократан веси яз.

Тагъирхуьруьн къазмайрин больницадин коллектив.

МИНИСТРДИ ПИШКЕШ ГАНА

ЯНВАРДИН вацра Ярагъкъазмайрин
СОШ-дин ученик Абдулвагъаб ЖАФАР-
ВА къабулай тади серенжемрин нетижа-
да вичин диде угарный газдилаз зегъер-
ламиш хъуникай хвена.

«Магъарамдхуьруьн район» МР-дин
Администрациядин къил Фарид Агъмедо-
ва РД-дин жегъилрин крарин рекъай ми-
нистерстводивай гъевчи къегъал Абдул-
вагъабан дерибашвал гъевесламишун
тлалабна.

И йикъара Дербент шегъердин Адми-
нистрацияда Россиядин союздин хуьре-
рин жегъилрин отделение ачухай юкъуз
РД-дин жегъилрин крарин рекъай министр
Арсен Гъажиева Абдулвагъаб Жафароваз
пишкеш багъишна. Ада гъевчи гададин къегъалвилиз еке къимет гана
ва масадан уьмуьр къутармишун патал, гъар нелай хъайитлани, гъатта
члехидалайни ик! тади серенжемар къабулиз хъун мумкин туширди ла-
гъана.

Министрди ихътин виклегъ гада тербияламишунай диде-бубадиз чух-
сагъул малумарна ва дирибаш гададиз энциклопедия багъишна.



В ПРОКУРАТУРЕ РАЙОНА

ПРИНЕСЕНЫ ПРОТЕСТЫ

РЕШЕНИЕМ собрания депута-
тов сельского поселения «село Са-
мур» Магарамкентского района №
49 от 15.01.2015 одной из улиц сель-
ского поселения «село Самур» Ма-
гарамкентского района присвоено
имя (дано название) Ю.Г. Богомоло-
ва.

Во исполнение названного ре-
шения главой администрации СП
«село Самур» издано постановле-
ние № 49 от 15.01.2015, в соответ-
ствии с которым объектам социаль-
ной инфраструктуры, коммерческим
объектам, жилым домам, распо-
ложенным на ранее безымянной ули-
це, присвоены адресные характери-
стики, отождествляющие их с ули-
цей Ю.Г. Богомолова.

Согласно статье 12 Закона Рес-
публики Дагестан от 10.04.2002 №
16 «Об административно-террито-
риальном устройстве Республики
Дагестан» присвоение имен государ-
ственных, общественных, других
видных деятелей улицам, площадям
и другим составным частям насе-
ленных пунктов может производиться
только посмертно в случаях и в
порядке, установленном законода-
тельством.

Между тем, в нарушение назван-
ной и других норм закона оспарива-
емыми решениями улице присвое-
но имя Богомолова Юрия Герасимо-
вича - председателя правления об-
щероссийской общественной орга-
низации «Российский союз гидроге-
ологов», который как на момент при-
нятия правового акта, так и в насто-
ящее время живет и работает в
г. Москве, занимается научной и об-
щественной деятельностью.

При этих обстоятельствах, осно-
ваний для увековечения памяти
лица, имеющего выдающиеся дос-
тижения и особые заслуги перед
республикой, как того требует ста-
тья 1 Закона Республики Дагестан
от 18.11.2002 № 33 «О порядке уве-
ковечения памяти лиц, имеющих
выдающиеся достижения и особые
заслуги перед республикой, а также
исторических и иных событий», не
имеется.

На противоречащие закону пра-
вовые акты прокуратурой района
28.03.2017 принесены протесты.

Рассмотрение актов реагирова-
ния взято на контроль.

М. КАЗИХМЕДОВ,
прокурор района,
старший советник юстиции,

ХАБАРАР

САНКТ-ПЕТЕРБУРГДА ТЕРРАКТ



2017- йисан 3- апрелдиз Санкт-Петербургда мусибатдин душубуш хъана. И югъ Россиядин халкъарин риклерай садрани акъатдач. Чаз гъамиша секин яз чидай Санкт-Петербург шегъердин «Технологический институт» ва «Сенная площадь» станцийрин арада авай метрода теракт авунин нетижада цусад кас къена ва цудралди ислягъ агъалийрал залан хирер хъана.

ЖАННА.

БАЗАРДА ЦІАЙ КЪУНА



АЛАЙ йисан 31- мартдиз Дагъустан республикадин меркездин Ирчи Казакан тіварунихъ галай куьчедавай «Дагэлектромаш» базарда ціай къуна. Акатай ціаю кьве агъзур квадратдин мензилдал алай павильонар къене авай шейэрни галаз кана.

Дагъустанда авай МЧС- дин ГУ-ди хабар гузвайвал, ціай туьхуьрун патал 148 кас, 23 техника ва Росгвардиядин вертолет кардик кутуна. Пуд касдиз угардин газди тади гунин нетижада больницадиз агакъарна.

Мартдин вацра и базарди кьве сеферда ціай къуна.

ТАСС-ди хабар гузвайвал, Дагъустандин прокуратуради и фактунай уголовный дело къарагъарнава ва силис тухузва.

МЕРКЕЗДА
ЗАБАСТОВКА

ДАГЪУСТАДИН меркез- да яргъал мензилриз физвай улакъар гвайбуру авур забастовка СМИ- дин векилриз халис ем хъана. Къарабудахкент райондин Манас хуьруьн къилихъ тахминан 600- шев агакъна пар язавай улакъар акъвазарна забастовка авуна. Ихътин гьерека-



тар са чи республикада ваъ, гъакі вири Россиядани къиле фена.

Забастовка тешкилна-вайбуру чпин истемишунрин сиягъ властдин къиле акъвазнавайбурув агакъарна. Абуру кьейд авурвал, и сиягда чпин интересар хуьнлай гъейри абуру са шейни тїалабнавач.

И сиягда кьетлен фикир ганвай кьве пункт ава. Сад лагъайди властдин къиле акъвазнавайбуру «Платон» ва кудай шейэрин транспортный акциз дегишарун я. Платон- им ихтияр ганвай 12 тонндилай виниз тир парцелай пул къачузвай система я.

-Власть гвайбуру сифте нубатда яргъал мензилдиз физвай улакъар гвайбуруз кївалахдай къулай шартлар тешкилна ахпа налогар ва акцизар тайинарна кїанда, гьисабзава абуру.

А. АЙДЕМИРОВА.

Абдуселим ИСМАИЛОВАН - 70 йис

-ПАГЪ, къенин чимивал вуч ти-ир! Валлагъ-вабиллагъ, келледа мефт ргазвай. Эгер ам вахъ тлимил аваз хъайитла, эхун мадни четин кар я. Мефт ргаз, буш келледик бугъ акатиз, патар-патар жез акъвазда. Гъакъван тади гана заз къе. Ргар циз аватай какадин лаз хъиз, авай клусни келледин къваларал алклана хъайитла вучда? Ибур за квез лугъузвай гафар туш-е. Ибур зи хиялар я. Ибур за жува-жуваз ийизвай тагъкимар я. Вучиз лагъайтла ам зи пеше я. Масадбурув гъар са камуна мукъаятвал хуъз тун. Зун хатасузвилин рекъай инженер я. Къилин пешекаррикай сад. Эхъ,чи совхоздин. Туштла, килиг. Виридан жергеда зи кабинетни ава. Виридан жергеда

зи кабинетдин раklarални твар, фамилия, бубадин твар къенва. Виридан арада аваз, зазни хъсан мажиб ава. Виридаз хъиз зазни ийидай кеспи авач. Кеспи авачтлани, везифаяр зи пара важиблур я. Идарадани, чуьлдани, рулдихъни, фермадани- виринара гъар садан хатасузвилин къаравулда акъвазун. Багъ-бустан хуъзвай къаравулар хъиз, чардахдик ксуз- къарагъиз ваъ, миъи къулай кабинетда ацукъиз, жуван къвале папан къвалахъ ксуз. Дуъз лагъайтла, зи асул везифа вуч ятла заз чидач. Я зун и къуллугъдал эцигайбурузни чизвайди туш. Амма гъар вацра мажиб гузвайбуруз белки чир жен. За абурувай хабар къазвач. Вучиз къазвач лагъайтла, вацравацра мажиб гузвайвиляй. Хатасузвилин рекъай инженер...- Акъвазвани сивяй гъикъван ван алаз акъатзаватла. Халис къуллугъ я. Залай аслу я вири совхоздин, вири жемятдин, лугъун за, райондин ва уьлкведин хатасузвални. Са залай ваъ, гъелбетда,гъа зун хътин гзафбурулай. Абур гъар сана ава эхир. Ингъе накъ. Накъ чун: къи-

лин агроном,къилин бухгалтер,къилин инженер, къилин духтур, къилин зоотехник, къилин экономист-къилинбур вири совхоздин векеер къватладай мелез экъечнавай. Къилинбурулай гъейри амайбуруни къвалахзавай. Къилинбуру лугъуз, абуру тамамарзавай. За жуван везифаяр къилиз акъудунни риклелай алуднач. Заз тлимил авач хъи гудай тапшуругъар ва тагъкимарунар.

Къуй векеени техникадин хатасузвал хуърай. Бухгалтер Мири-

кланзавайди я-е, амма зун къе фена. Серин кабинет гадарна, де лагъ, зи ана вуч ава, я стхаяр? Цавай цай аватна физ зун комбайндин гуъгуъниз никлиз фин гъакъван герек яни? Ваъе, низ герек я? Комбайнердиз? Бес амни зун хътин инсан тушни? Адани за хъиз мажиб къачузвачни? Къачузвайла, адан гуъгуъниз зун вучиз фирай? Килиг садра зал атай гъалдиз. Кивегъ авай целцелай хъиз, гъекъ алахъзава. Север къурана, бугъашар сад садав ккланва. Никле къекъуън зи пеше туш, я стха. Заз зи кабинет авайди я-е. Комбайнердиз мажиб вучиз гузвайди я? Бубадиз рагъмет-гвен гвена. Гуърай ман вичин гвен. Адахъ галаз занни руг тлуърла хъсан жез-

вани? Муртузани комбайнервиле къвалах ийиз са йис туш хъи. Адан жигерар акъван лигим хъанва хъи, адаз руквадикай гъич къайгъуни амач. Амма зун? Зун са сеферда комбайндал фена хтайла, гъафтедин къене хуралай къар хътин балгъанар къез амукъзава. Герек яни Муртузас зун ик акун? Заз чиз, ваъ! Гъелбетда ваъ! Муъкуъ патахъай, руг тлимил тлуън патал вуч авун лазим ятла, адаз залайни хъсан чизва. Чизва лагъана, ада зи кабинетда къул члугурди я. Руг аватла, нефес къачун тавурай. Яда, вичиз вуч къандатлани авурай, амма зун и рекъера тун тавурай. Заз зи къуллугъди ганвай серин кабинет ава. Эгер аниз атана вирида къулар члугъазватла, кисна чпин везифаяр къилиз акъудрай. За жуван везифаяр къилиз акъуддайла, абуруз эверзавач хъи. Зун инженер я. Кабинет авай, мажиб авай, къилинбурун жергеда чка авай. Виридан хатасузвални за таъминарзава. Эхъ, за! Авачиртла, заз и кабинетни гудачир, мажибни гудачир. Совхозни икъван гагъда са бала-къада татана амукъдачир...

ХАТАСУЗВИЛИН ЗАМИН

ГЪИКАЯ

маз, яшар пудкъад йисалай алатна, къени къуък векеерик кутадай къайда чидач. Ам ваз дебет-кредит туш гъа. Вичи-вичелай къхидай къелем туш гъа. Ам къуд хилен къуъкя. Къуд жел къуд шиш, къуд гапур я. Хкатна векеерикай къвачихъ галукъда, гъилихъ галукъда. «Ингъе, ик кутур жуван къуък векеерик», - къалурна за адаз. Совхоздин кассир Къачаби-ге тамам са клунт къван векеер къуъкуънал алаз тухузвай. - Яда, ей,-гъарайна за адаз. -Ваз вун гъина аватла чизвани? Яда, вун ви векее авайди туш-е,им совхоздин веке я,совхоздин.Вирида вуч ийизватла, гъикл ийизватла килиг, жувани гъам ая, гъакл ая. Тахъайтла ам вуч къадар веке я вуна къуъкуънал хкажзавайди? Килиг садра, ви чинни кваз векеерик чуънуъх хъанва. Ви руфун къуъхвез аватайтла, жаваб ни гуда? Векеин къал- къул акъуна ви вил буъркъуъ хъайитла, жаваб ни гуда? За! Хатасузвилин рекъай инженерди! Заз ви жаваб гуз кланзавач. Гъавиляй элкъвена вирида вуч ийизватла, жувани гъам ая. Вун ви векее авач, я стха. Им совхоздин веке я...

Къе зун комбайндал фена. Фин гъар юкъуз авуна

Ражадуллагь САЛМАНОВ

ГАТФАРИН вахт тир.Югъни алахъна гуьлуьшан хъанвай.-Мад ихътин югъ заз жегъидани?-лугъуз Къагъриман халуди вичин машин гараждай акъудна гъенел ремонт ийизвай. Ам акурла инал къуншияр, куьрпе балаяр кIватI хъана чпиз къугъунар ийизвай. Машин ремонтдайла гъилер къацIуз акуна ада гъилихъ галай сят геляна хулан къерехдал алай къванцел эцигна. Машин ремонтна куьтягъна сят гъилихъ гилиг хъийиз рикледай фена. Сят къванцел аламукъна. Ам машиндиз худ гана вичин дердидиз фена. Са арадилай адавай рекъин са мугъманди сят хабар къуна:

-Я, стха, сятдин шумуд я!

Къагъриман килигна,- сят амач.

-Валлагъ, стха, зав сят гвач. Къагъриманан чинин рангар дегиш хъана.

Садлагъана адан риклеп хтана сят хулан къерехдал къванцел эцигнавайди. Ам тади гьалда машиндиз худ гана хтана.Ваъ, сят амач.Инаана къекъвена,идавай-адавай хабарар къуна садани адаз дуьз жаваб ганач.Эхир чара атIайла ада са аялдиз эвер гана лагъана:

-Я, бала, ваз инал алай сят ни къачунатIа чидани? Ваз бубади машинда акъадарна катациярни ийида, пулни гуда.

-Эхъ, буба,-лагъана аялди.

-Лагъ кван бубадиз.

-Заз тIвар чидач, и бубади къачуна.

Магъмутан чин акваз-акваз яру хъана.Аялдиз пис-пис килигна.

Къагъриман халу вичин къуншидиз терсина килигна, аялдиз жибиндай акъудна пул гана.

-Бубади ваз са мажалдив катациярни ийида.

Аялдиз дуьнья ацIай къван хвеша хъана.Пул гъиле гьатай аял туьквендал фена. Йикъар-варцар алатна.Йикъа-

рикай са юкъуз Къагъриман халуди вичин къунши Магъмутавай сят хабар къуна.

-Я, къунши, сятдин шумуд я?

Пенжекдин хел хкажна сятиниз килигна лагъана:

-Сятдин къуд,- жаваб гана Магъмута.

-Гъан,-лагъана Къагъриман халуди.Сят гъакъикъатдани зи къуншидив гва къван.Аял гъахъ я. Гъамишанда ада завай сят хабар къазвайди гила адан гъилихъ сят гъикI хъана? Яраб зи сят я жал? Къагъриман халудин рикIай агъзур жуьредин хиялар фена, амма адавай лугъуз хъанач, ам зи сят я лагъана.

ХЪАЙИ КАР

— гъикая —

Йикъарикай са юкъуз Магъмута вичин юлдаш Пенкерни галаз сала авай сур хъана.Бегъер тегъизвай тарар атIузвай. Гъилихъ галай сят геляна таракай куьрсарнавай. Къагъриман халуди явашдиз вичин къуншидиз лагъана:

-Я, къунши, на вуч ийизва? На абур вучиз атIузва? Куьмек кIан ятIа зунни къведани?

-Валлагъ, валай Аллагъ рази жедат.Куьмек таIан кас жедани! Ша,ша, къунши!

Къагъриман халу яваш-яваш къуншидин патав фена. Ягъай вил сятина акъуна. Сиви чуькъни тавуна Къагъриман халуди сят къачуна вичин гъилихъ акал хъувуна.Тарар атIана куьтягъна, абур фу нез ацукъна.Сад-къвед виш граммар ягъайдалай къулухъ чими хъана лугъуз вичел алай кастюм хутIуна стулдихъ вегъена.-ХутIуна,къунши, хутIуна! Чимила акъваздани! Гила зунвун хъанани? Валай Аллагъ рази хъуй! Яргъал алай стхадилай жуван къунши хъсан я лугъуда. Гъакъикъатдани дуьз я. Вун хъаначиртIа зун гилани сала амайди тир.Валай Аллагъ рази хъуй!Пенкер аз адан гъилихъ галай сят акуна. Явашдиз вичин

итимдин япал кIуф эцигна лагъана:

-Алад фена тарцихъ ви сят галаматIа аку.Валлагъ ам Къагъримана вахчур хътинди я.

-Жедай кIвалах туш,- лагъана Магъмута.Итимди гъахътин кIвалахар ийидани?

-Ийидани вучтинди я! Инсанрай вуч хъайитIани акъатдайди я.

-Квахъ, алат.Ваз гъакъван кIан ятIа фена жув килиг.

-Яда, я, къунши, вуна папахъ галаз вуч кушкуш язава? Яда, абуроз яб гумир.Абурун далла куьтягъ жезмайди

туш. Я къунши, са –са вишер хъван хъийидатIа хъван хъийин хъфидай вахт жезва.МичIи жезвай хътинди я. Гъайванар хкведалди хъфена

кIанзава.Сятдин ругудни хъана жеди. Сятинин тIвар къурла Магъмут тадиз къарагъна салаз фена. Сят амач.

-Агъ, угъраш,-лагъана Магъмута,- вуна заз кар къуна хъи. Я ахмакъ зун. За адаз вучиз ша лагъайди тир.Гила ада зун халкъдиз виляй вегъеда чка-чкадал ахъайиз. Гъакъикъатдани паб гъахъ тир къван.Бес ихътин ахмакъ келле жедани?

-ГъикI хъана къунши, ви чинин рангар дегиш хъанва хъи?Квахъай затI авани?

-Ваъ, я, къунши, заз зи папкай хъел ава.

-Вучиз?

-Вуч лугъуда къван за ваз, паб хъанач гъакIан чкIай афар я.

Къагъриман халуди адан рикIиз гъикъван сабур гуз алахънавайтIани Магъмутан чин ачух жезвачир.Магъмут Пенкер аз, Пенкер Магъмутаз килигиз амукъна. Сятинин ихтилат амукънач. Абур куз-хъукъваз амукъна. Къагъриман халуди вичи лагъайвал аялдиз катациярни авуна.

ДИН ВА ИНСАН

Сад Аллагъдиз мукъва жен

ДИН инсаният дуъз рекъе тун патал Аллагъди вичин пайгъамбардал агакъарнавай инанмишвилерин, тежрибадинни марифатдин тамам илим я. Неинки чна, мусурманри, гъакӀ маса динар кыле тухузвай машгъур алимри, писателри, философри Ислам диндин инсанпересвиликай, гъахълувиликай, уьмуьрдиз мукъвавиликай, адахъ илимдин диб авайвиликай чпин фикирар лагъанва. Исламди диндин ва уьмуьрдин вири терефар фикирда къазва, гъавилляй и къве шей чеб чпивай чара авун еке ягъалмишвал я. Исламдин илимди бедендинни

руьгъдин, фана дуьньядинни эхиратдин арада авай алакъяр, тафаватлувилер ва барабарвилер чирун, абурал кӀевелай амал авун инсандин еке бахт яз гъисабзава. Ислам маса гъич са диндивни гекъигиз тежедай, вичиз тешпигъ авачир хътин дин я. Ада инсанриз анжах сувабдин кӀвалахар авуниз эвер гузва, вилик фидай, миъивилер ийидай, илим, меденият вилик тухудай къайдаяр чирзава, гъалал-гъарамдал кӀевелай амал авун истемишзава. Исламдин къанунралди халисан инсан-мусурман вич марифатлувилел, руьгъдин лайихлувилерал ва дерин чирвилерал гуьзеларзавайдаз лугъуз жеда.

Амай вири динрилай тафаватлу яз, Ислам тамамвилелди общественный дин я. Ислам хашперес диндила а кар-

далди тавафатлу я хьи, ада чилел яшамиш жезвай инсанрин уьмуьрдиз гзаф фикирар гузва, гъа са вахтунда хашперес дин эхиратдин уьмуьрдикай гзаф рахазва. Ислам гъакӀ иудаизмдила, яни чувудрин диндила ада анжах са халкъдин къисметдин къайгъу чӀугуналди тавафатлу я. Исламди, винидихъ лагъанвайвал, инсаниятдин уьмуьрдин вири терефар фикирда къазва.

Дагъустандин мусурманрикай рахайтӀа, абур саки вири

Диндивай къакъатай касдиз Иман жедач, Иман авачир касдиз эхиратда туйкӀвей чкани жедач.

Исламдин суннитрин школадин рехъ къуна физвайбур я. Чал бубайрилай хтанвай и рекъел чун неинки идеологиядин, гъакӀ яшайишдин рекъайни тамамвилелди рази я. Чна кыле тухузвай адетдин Исламди къана жагъдиз, сабурлувилиз хъсан патахъ таъсир ийизва, диндин и хилез чӀурукӀа баянар гуз алахъзавайбурукай, террористрикайни экстремистрикай чун хуьзва.

За винидихъ лагъайвал, Ислам, Аллагъди сад тирвилел бинеламиш хъанвай общественный дин я. Гъахъвал, ислягъвал, барабарвал инкар ийизвайбур ва обществодиз зиян гузвайбур адан душманар я. Ислам къабулнавай вирибуру чпиз стхаяр ва вахар лугъузва. Мусурманрин арада миллетчивал, чӀалан айрувал, хамунин лацу-чӀулав-хъипивал гъисаба къазвач, я тахъайтӀа, пайгъамбар араб я,

Къуръан араб чӀалал атанва лугъуналди арабдиз ислам къабулнавай маса миллетдин вилик гъич са артуханвал ва къетӀенвал авач. Ида чи диндин инсанпересвал, гъахълувал ва мусурманрин арада авай ихтияррин барабарвал къалурзава.

Ислам дин вичелай вилик хъайи вири динрилай чилин уьмуьрдиз мукъва, регъимлу ва мергъяматлу дин я. Чаз и дин къисмет авур Аллагъ вич регъимлуди ва мергъяматлуди я. Къуръандин гъар са сура Адан и ерияр тикрар авунилай башламиш жезва. Чи динда, амай динрилай тафаватлу яз, мажбуривал авач. Дин хушуналди къабулзавайди я. Адан истемишунарни хушуналди кыле тухунлазим я. Чи диндиз мусурманрикай виридалайни дакӀанбур ниятни амалар чеб чпив къан тийизвайбур я. Месе-ла, эгер вуна капӀ ийизватӀа, адан вири

шартӀар галай-галайвал тамамарна ая. Ният миъи тушиз, гъакӀ савда патал капӀ ийизвайдаз капӀ эсиллагъ тийизвайдалай еке гунагъ жезва. Амай ферзерни гъакӀ я. Инсанривай инсанар алдатмишиз жеда, амма Аллагъ алдатмишиз хъун мумкин туш эхир.

Инсан халкъ хъайидалай инихъ диндихъ галаз алакъялу я. Динрин жуьреяр ва пайгъамбаррин къадар лап гзаф я. Амма чун Аллагъдин Сад тирвилехъ инанмиш мусурманар я. Диндивай къакъатай касдиз Иман жедач, Иман авачир касдиз эхиратда туйкӀвей чкани жедач. Ша чун Сад Аллагъдиз мукъва жен ва Адан расул Мугъаммадан /с.а.с./ рекъяй экъечӀ тийин.

Рамиз гъажи АТАХАНОВ.

ВНИМАНИЕ: Весенне-летний пожароопасный период

НЕ ТАК много осталось времени до установления теплой сухой погоды. Как показывает практика прошлых лет, в это время резко увеличивается количество пожаров, связанных с возгоранием сухой травы, мусора, в сельских населенных пунктах, в лесных, парковых зонах, на сельхозугодьях, на приусадебных участках.

Значительная часть пожаров происходит из-за неконтролируемых сельхоз палов (сжигания прошлогодней травы и соломы), леса пылают и из-за небрежного обращения с огнем. Связано это и с уборкой садовых участков (и, как следствие, сжиганием мусора и травы) и массовым выездом населения на природу (разведение костров, неосторожность при курении и т.п.).

Нередко это приводит к тяжелым последствиям. Огонь перекидывается на лесные массивы, хозяйственные постройки, жилые и нежилые строения. Вспыхнувшая как порох трава порывом ветра в доли секунды заносится на деревянную постройку, и она тут же загорается. Кроме того, с пожарами в атмосферу выбрасывается огромное количество дыма, содержащего такие опасные загрязнители, как углекислый газ, угарный газ, окись азота. От задымления страдают жители, как городов, так и сельских населенных пунктов. Кроме того, на тушение подобных пожаров тратятся огромные денежные средства.

Так кто же виноват в возникновении этих пожаров? В ряде таких пожаров виноваты курильщики. Не затушенная спичка или окурки, брошенные в сухую траву, в считанные

секунды превращаются в «горящий ковер». Много хлопот работникам противопожарной службы в этот период доставляют детские шалости с огнем. Дети не понимают, сколько бед и несчастий может принести травяной пожар. А ведь площади таких возгораний могут достигать десятков тысяч квадратных метров. А если на пути огня встанет забор, сарай или даже дом, то пострадают и они.

Еще одной «пожароопасной категорией» населения в такой период становятся садоводы. Ежегодно, колоссальный ущерб природе наносит сжигание по весне сухой травы и листвы на земельных участках и садовых участках, непосредственно примыкающих к лесопарковой зоне.

С приходом весны масса людей устремляется в лес. В этих случаях наиболее частая причина бедствий – не затушенные костры, брошенные окурки, спички. А ведь в теплую сухую погоду искры достаточно, чтобы вспыхнул огонь, особенно в хвойном лесу.

В связи с этим, ОНД и ПР №12 по Ахтынскому, Рутульскому, Магарамкентскому и Докузпаринскому районам РГУ МЧС России по РД призывают вас быть особо внимательными и осторожными в весенне-летний пожароопасный период.

Курильщикам не следует бросать окурки и спички на землю, ведь для этого есть специально оборудованные урны. Необходимо следить за тем, чем заняты дети, пресекать любые шалости несовершеннолетних с огнем. На территории частного жилого сектора, на случай пожара, необходимо иметь запасы воды для целей пожаротушения, а также определить порядок и

способы вызова пожарной охраны.

Сжигание мусора, отходов и тары в специально отведенных для этих целей местах, не ближе 50 метров до зданий и сооружений и строга под контролем обслуживающего персонала.

Не забывайте о том, что за нарушение Правил пожарной безопасности законодательством Российской Федерации предусмотрена административная, а так же и уголовная ответственность.

ОНД и ПР №12 по Ахтынскому, Рутульскому, Магарамкентскому и Докузпаринскому районам РГУ МЧС России по РД надеются, что совместными усилиями всех заинтересованных служб и ведомств, а также населения, удастся не допустить чрезвычайных ситуаций в весенне-летний пожароопасный период.

ПОЛЬЗОВАТЕЛЯМ:

компаний «Мегафон» и «МТС» - набирать номер 010, компании «Билайн» - набирать номер 001.

Набрав номер, нужно кратко сообщить следующее:

- причину вызова (пожар, несчастный случай, запах газа и т.п.);

- точный адрес (улица, номер дома,);

- Ваша фамилия и номер телефона;

- запишите или запомните фамилию дежурного диспетчера.

**ОНД и ПР №12 УНД и ПР
ГУ МЧС России по РД.**

ЧУН ЯШАМИШ ЖЕЗВАЙ ХУЪР

МАГЪАРАМДХУЪР районда виридалай чѐхи хуър я. Тебиатди гуьзелвал ганвай дуьзендал бинелу хъанвай ам къвердавай геьенш ва авадан жезва.

Бязибуру пуд мертебадин квалер жажнава. Ина агъалийрин къуллугъда гзаф идараяр акъвазнава. Абурун арада хуъре михъивилерал гуьзчивал тухун лазим тир идараярни ава: эпидстанция, ЖКХ, хуъруьн администрация. Хуъре, адан патарив гвай чкайрани михъивилер хуънал гуьзчивал авун абурун сифте везифайрик акатзава. Гъакъкъатда, хуъре михъивилер хуънин квалах рази тежедай гъалда ава. Центрдилаи башламишна хуъруьз акъалтзавай къерехдиз къван зир-зибил гзаф я.

Гъар са кас вичин кваллин вилик патар, руководитель идарадин сергъятар, мукъварив гвай чкаяр михъиз хуъниз, къайдадик кутуниз мажбур я. Эгер тийиз хъайитла, чахъ серенжемар къабулдай ксар ава эхир. Абуру чпин везифаяр къилиз акъуд тавурла, тахсиркаяр жаза тагана турла михъивилер хуънин рекъяй къайдасузвилерал эхир эцигиз хъун мумкин туш. Инал мад са кар къейдна кланда. Гатуз куьчеяр парахриз элкъвезва. Гзаф агъалийри

чпин цурай акъудзавай фитер куьчейрин къерехра кватзава. И кардини куьчедин абур члурзава. Гзаф куьчеяр лекъвер, хандаклар акъатна къайдадик квач. Эквер авачир куьчейра йифиз къекъведайла четинвилер тлимил жезвач. Хейлинбуру яд гузвай хулар туалетриз элкъурнава. Кухнядин, гъамамдин, перемар чухъвей химия галай ятар вири гъа хулариз ракъурзава. Гатфариз ва гатуз салариз яд гудайла хулар чиркинри басмишзава. Ахътин яд гайи набататар, тарар къуразва, зиянар жезва.

Сагъламвилелай еке девлет авач,- лугъузва мисалда. Сагъламвилин заминни михъивал я. Ам хуънин сад-къве касдин ваь, чи виридан буржи я.

Жуван куьче, гъаят къайдада тван тийиз, наразивилер са нин ятлани хиве тун дуьз туш. Къуншидин салаз яд физвай хулал туалет эцигун, инсанрин гъерекат авай куьчедин къерехда фитерин гъамбарар кватлун гъахъвал туш.

Гъурметлу районэгълияр! Ша, чна чи гъаятрани куьчейра къайда тван, михъивал сагъламвилин замин тирди фикирда къуна чиркинвилериз рехъ тагун, и кар гъар йикъан гуьзчивилик кутан.

Р. МУРАДАЛИЕВ.

Камаллуйрин меслятар

**Гъар са инсанди вичин твар хъсанди яз гъисабзава. Инсандихъ галаз твар къуна рахаз чалишмиш хуьхъ. Квез герек инсанрин тварар риклеп хуьх.*

**Куь суьгъбетчиди интерес ийизвай ихтилат куда.*

**Инсандиз вичин метлебувал гъисс ийидай мумкинвал гуз алахъа.*

**Гъуьжетда гъалиб жез алахъмир, и карди куь суьгъбетчи бейкефарда.*

**Инсандиз чин-чинал акъвазна вун гъахъ туш садрани лугъумир. Масадан фикирдиз гъурмет ая.*

ОБЪЯВЛЕНИЕ

ПТИЦЕФАБРИКА «Гюней» (Магарамкентский район, с.Оружба) объявляет конкурс на должность производственный рабочий убойного цеха.

График ненормированный, оплата сдельная высокая (от 1000 рублей за смену и выше), оформление по ТК, оплата больничных, отпусков. Дополнительно компенсируются транспортные расходы, дотации на питание, спецодежда.

Требование: возраст 20-55 лет, крепкое физическое здоровье, выносливость, наличие медицинской книжки.

Обр.по номеру:
8-928-057-74-79

Магъарамдхуъруьн 2- нумрадин СОШ акъалтларайдан гъакъиндай 2000- йисуз Исмаилов Казбеказ гайи А-5476143- нумрадин аттестат квахъуниз килигна къуватда амачирди яз гъисабин.

Магъарамдхуъруьн 2- нумрадин СОШ акъалтларайдан гъакъиндай 1997- йисуз Исмаилова Надиятаз гайи А-0288061- нумрадин аттестат квахъуниз килигна къуватда амачирди яз гъисабин.

Къилин редактор
А. А. ИСМАИЛОВ.

Редакциядин адрес:
368780. РД, Магъарамдхуъруьн район, Магъарамдхуър, Ленинан куьче.

Газет гъафтеда садра акъатзава.

Учредители: Муниципальная районная администрация «Магарамкентский район» и коллектив журналистов редакции районной газеты «Самурдин сес» (Голос Самура).
Адрес: 368780. РД, Магъарамдхуъруьн район, Магъарамдхуър, Гагаринан куьче, 2.

Газета «Самурдин сес» (Голос Самура) зарегистрирована Региональным управлением Комитета РФ по печати в РД.

Чап ийиз вахкудай вахт - 16.00.
Чапун патал къул члугуна- 15.00.

Газет ООО «Самур» типографияда гъазурна ва гъана чапна. Типографиядин ва издателдин адрес: 368780. РД, Магъарамдхуъруьн район, Магъарамдхуър, Ленинан куьче. Лезги члал.
Индекс 63340. Тираж 1400.
Заказ № 17.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

6+